



UNIVERSITÄTS-
BIBLIOTHEK
PADERBORN

Universitätsbibliothek Paderborn

Margarita Evangelica

Essche, Nicolas van

Coloniae, 1545

septimus resignatio voluntatis. 29

[urn:nbn:de:hbz:466:1-49323](https://nbn-resolving.org/urn:nbn:de:hbz:466:1-49323)

LIBER II.

me a re possit auertere, tuere me. O spiritus sancte Deus, rege me, & diuina presentia tua cuncta interiora mea adimple.

De septimo gradu, qui est resignatio voluntatis, per quem e vita spiritali transferatur ad vitam deiformem. Cap. XXIX.

IAM vero adhuc ulterius ascendendum est in deiformem ac superessentialem vitam: idque per tertiam scalam, Christi videlicet spiritum, per quem in fundum veritatis peruenitur, per quem etiam in septimum gradum, & in ordinem thronorum, & in primū vitæ superessentialis gradum conscenditur. Quo nimirum perueniunt hi, qui suam voluntatem in Dei acceptissimum beneplacitū resignantes, se ipsos nō fictē, sed in veritate in omnibus funditus abnegarūt, & non solum voluntatem habent Dei beneplacitū exequēdi, sed etiam omnem voluntatē suam cum omnibus viribus suis, & cum omni esse & posse suo in diuinam abyssum immerferunt, vt ipse suam in eis perficiat voluntatem. Ideoq; fortissimus atque regalis thronus effecti sunt, in quo Deus ipse inhabitat, & immobiliter quiescit, in quo se ipsum laudat, sedetq; in eo velut rex in solio suo, cunctaq; in eo opera sua operatur, in intimo videlicet fundo, in quo immobiliter inhabitat atq; moratur: in quo etiam fundo tanta pax est atq; libertas, vt nullis siue prosperis, siue aduersis moueatur. Nemo enim præter solum Deum, in ipso habitantem ac operantem, hunc fundum mouere, nec quisquam omnino alius, siue angelus, siue sanctus, siue creatura quælibet, siue ipse etiam homo in hunc fundum intrare

MARGARITAE EVANG.

Intrare potest. ¶ Et quidem hæc omnia in fun-
do nostro latent, quæ si sentire velimus, & no-
bis fructuosa esse debeant, ita recollecti, ac in
Deum immersi esse debemus, sicque nosiplos
funditus abnegare, vt nihil viuat in nobis præ-
ter Dei voluntatem, vt sic ipse sine ylla con-
tradictione cuncta interiora nostra regere possit
(quemadmodum rex aliquis regit regnum su-
um) & omni familiæ nostræ pro suo seruitio et
reuerentiâ imperare. Sic enim fundus iste, in
quo Deus ipse velut in throno suo moratur, In-
cet. Enimuero, quicumque tales sunt, vt iam
dictum est, illi Deo chariores mille alijs ex-
stunt, qui non ab eius voluntate aguntur, sed
per seipsos cum eius voluntate operantur, &
ideo creaturæ permanent in suis operibus deifi-
centes. Qui vero seipsos Deo resignant, vt ipse
met suum in eis opus perficiat, illi deiformes &
Deum patientes efficiuntur, in ordinem throno-
rum suscipiendi per Christum Iesum dominum
nostrum, qui tam perfecte omnem voluntatem
suam in cœlestis patris sui beneplacitum trans-
fuderat, quasi nullam vnquam voluntatem ha-
buisset, semperque dicebat: Pater, non sicut
ego volo, sed sicut tu vis. Custodiunt autem in
beatissimi throni homines istos in deifica pace
& cauent ne ad inferiora inclinentur, & de
numeri augmentatione latantur, Habentque
hic homines isti plus in Deo gaudij, quam cre-
nes spiritus ordinum inferiorum.

De octauo gradu, qui est simplicitas intel-
lectus. Cap. XXX
Octa-